

Saksbehandlar: Merete Farstad, Plan- og samfunnsavdelinga
 Sak nr.: 15/11684-1

Regional plan for vassregion Møre og Romsdal

Fylkesrådmannen rår fylkesutvalet til å gje slik tilråding/gjere slikt vedtak:
Fylkesutvalet rår fylkestinget til å gjere slikt vedtak:

1. Fylkestinget vedtek *Regional plan for vassforvaltning i vassregion Møre og Romsdal 2016-2021* for dei areala som gjeld Sogn og Fjordane.
2. Fylkestinget vedtek Handlingsprogram for *vassregion Møre og Romsdal 2016* for dei areala som gjeld Sogn og Fjordane
3. Fylkestinget vedtek *Tiltaksprogram vassregion Møre og Romsdal 2016-2021* for dei areala som gjeld Sogn og Fjordane.

Vedlegg:

1. Regional plan for vassregion Møre og Romsdal 2016-2021
2. Tiltaksprogram vassregion Møre og Romsdal 2016-2021
3. Handlingsprogram vassregion Møre og Romsdal 2016

Andre dokument som ikkje ligg ved:

SAKSFRAMSTILLING

1. Bakgrunn for saka

Grunnen for at saka er fremja

Arbeidet med ein regional plan for vassforvaltning er forankra i vassforskrifta og utløyst av internasjonale plikter som Noreg har teke på seg knytt til vassdirektivet til EU. Den regionale vassforvaltningsplanen vert vedteken som ein regional plan etter plan- og bygningslova § 8-4 med dei særreglane som kjem av vassforskrifta. Vassforskrifta set nærare rammer for innhald og organisering.

Fylkestinga er regional planstyresmakt jf. PBL § 3-4 fjerde ledd og skal vedta Regional vassforvaltningsplan med tilhøyrande regionalt handlingsprogram og tiltaksprogram, som ein regional plan. For vassregion Møre og Romsdal er dette fylkestinga i Oppland, Sør-Trøndelag og Sogn og Fjordane. Fylka vedtek planen for sine geografiske område.

For at sentrale styresmakter skal kunne sikre at vi som nasjon følgjer opp dei nasjonale pliktene etter vassdirektivet, skal Klima- og miljødepartementet godkjenne dei regionale vassforvaltningsplanane.

Den regionale vassforvaltningsplanen, vedtaka i dei respektive fylkestinga og godkjenning av planen i Klima- og Miljødepartementet, er til saman den godkjente forvaltningsplanen. Handlingsprogram og Tiltaksprogram vert berre vedteke av fylkestinget og går ikkje vidare til Klima- og Miljødepartementet.

Planen gjeld for perioden 2016-2021 og er den første av i alt tre planrundar. Planen skal rullerast kvart sjette år fram til og med 2033.

Vassregion Møre og Romsdal

Noreg er delt inn i 11 vassregionar, der vassregion Møre og Romsdal er ein av dei. Vassregion-grensene følgjer nedbørgrensene og ikkje dei administrative fylkesgrensene. Regionen er delt inn i 5 vassområde: Nordre Nordmøre, Søre Nordmøre, Romsdal, Nordre Sunnmøre og Søre Sunnmøre.

Kommunane på nordsida av Nordfjord i Sogn og Fjordane har eit mindre areal i vassområda Søre Sunnmøre og Nordre Sunnmøre.

Planområdet omfattar alt landområde inkludert vassdraga, grunnvatn og kystvatn ut til ei nautisk mil utafor grunnlina.

Planprosess

Vassregionmynda for vassregion Møre og Romsdal er Møre og Romsdal fylkeskommune. Vassregionmynda styrer plan- og prosessarbeidet med å utarbeide plandokumenta. Planen med tiltaksprogram og handlingsprogram er utarbeidd i samråd med vassregionutvalet. Vassregionutvalet er sett saman av sektorstyresmaktar, kommunane og fylkeskommunar. Med andre ord sit dei som har verkemidlar til å betre vassmiljøet i vassregionutvalet.

Historikk - tidlegare vedtak

Gjennom planprosessen har det vore ei midtvegshøyring der vesentlege vassforvaltingsspørsmål i regionen har vore drøfta. Prosessen med vesentlege vassforvaltingsspørsmål og dei lokale tiltaksanalysane for vassområda har gitt grunnlaget for regional vassforvaltingsplan og regionalt tiltaksprogram.

Regional plan for Møre og Romsdal vassregion var på høyring i perioden 1. juli 2014 – 31. desember 2014.

Fylkesutvalet i M&R vedtok 29.6.2015 å legge følgjande delar av forvaltningsplan ut på ny høyring, med høyringsperiode 01.07 – 15.09.15:

- Delkapittel 3.7 i forvaltningsplan: Prioriteringar i arbeidet
- Delkapittel 5.3 i forvaltningsplan: Sterkt modifiserte vassførekomstar
- Delkapittel 5.4.1 i forvaltningsplan: Utsette fristar § 9
- Delkapittel 5.4.2 i forvaltningsplan: Mindre strenge miljømål
- Vedlegg 1 i forvaltningsplan: SMVF i Møre og Romsdal vassregion i planperioden 2016-21.
- Vedlegg 2 i forvaltningsplan: Utsette fristar i Møre og Romsdal vassregion
- Vedlegg 3 i forvaltningsplan: Mindre strenge miljømål i Møre og Romsdal vassregion.
- Handlingsprogram for regional forvaltningsplan for Møre og Romsdal vassregion 2016

Sentrale problemstillingar

For Sogn og Fjordane sitt areal i vassregion Møre og Romsdal, er 21 vassførekomstar registrert med *god økologisk tilstand* i Vann-nett. Tre innsjøar er definert som *sterkt modifiserte vassførekomstar* med miljømål om *godt økologisk potensial* innan 2021. Ingen tiltak er registrert for vassførekomstane.

3. Vurderingar og konsekvensar

Økonomi- og budsjettkonsekvensar

Dei ulike sektorstyresmaktane, fylkeskommune og kommunane er ansvarleg for å gjennomføre og bere kostandane ved tiltaka innanfor sine ansvarsområde. Det er den enkelte sektor som og er ansvarleg for kost – nytte vurderingar til planen.

Rettslege konsekvensar

Planen vert rapportert til EFTA sitt overvakingsorgan ESA og elektronisk til WISE i mars 2016. Tiltak som er satt i verk skal rapporterast til ESA midtvegs i planperioden dvs. utgangen av 2018. ESA vurderer om Noregs gjennomføring av planar er tilfredsstillande. Mangelfull gjennomføring kan ende i EFTA-domstolen.

Plankonsekvensar

Planane skal leggest til grunn for aktiviteten i regionale organ, for kommunal og statleg planlegging og for generell verksemd i vassregionen jf. vassforskrifta § 29 og plan- og bygningslova § 8-2.

Planen gjeld alle sektorar og skal medverke til å styre og samordne vassforvaltning og arealbruk på tvers av kommune- og fylkesgrenser. Om ei kommune ikkje rettar seg etter retningslinjene, vil dette gi grunnlag for motsegn til planane i kommunen.

Klima- og miljøkonsekvensar

Ved å auke kunnskapsgrunnlaget og å gjennomføre avbøtande tiltak i elvar, innsjøar, grunnvatn og kystvatn vil betre miljøtilstanden i vassførekomstane.

Handtering av høyringsinnspel

Møre og Romsdal Fylkeskommune har handtert høyringsinnspela. Høyringsrapportar er utarbeidd.

4. Konklusjon

Fylkesrådmannen ser på regional plan for vassforvaltning, som eit viktig verkty i arbeidet med å verne om og betre nytte vassressursane i fylket.

Noreg har ein svært fragmentert vassforvaltning, noko som stiller ekstra store krav til god samhandling. Planarbeidet er difor starten på å styrke heilskapleg vassforvaltning i planperioden og å arbeide langsiktig fram mot 2033 for å nå måla for vassressursane våre.

Fylkesrådmannen rår til at regional plan for vassregion Møre og Romsdal blir vedteke slik han ligg føre for dei geografiske områda som gjeld Sogn og Fjordane. Fylkesrådmannen rår og til at tilhøyrande Handlingsprogram og Tiltaksprogram vert godkjent som del av planen.